



Na osnovu člana 65. i 66. stav (3) Zakona o predškolskom odgoju i obrazovanju („Službene novine Tuzlanskog kantona“ broj 10/20 i 5/22), člana 22. i 23. Pravila Javne ustanove za predškolski odgoj i obrazovanje „Naše dijete“ Tuzla, a u vezi sa članom 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“ broj 12/03 i 34/03 i 65/13) i člana 18. Odluke o postupku izbora i konačnog imenovanja članova organa upravljanja i rukovođenja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj: 11/15, 1/20 i 12/21), Upravni odbor Javne ustanove za predškolski odgoj i obrazovanje „Naše dijete“ Tuzla na sjednici održanoj 28.03.2024. godine, raspisuje

KONKURS ZA IZBOR I IMENOVANJE DIREKTORA JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ TUZLA

I Naziv upražnjene pozicije:

Direktor Javne ustanove za predškolski odgoj i obrazovanje „Naše dijete“ Tuzla

II Opis objavljene upražnjene pozicije:

- organizuje i rukovodi radom Ustanove;
- zastupa i predstavlja Ustanovu prema trećim licima i odgovoran je za zakonitost rada Ustanove;
- predlaže Upravnom odboru mjere za efikasno i zakonito obavljanje djelatnosti radi kojih je Ustanova osnovana;
- predlaže unutrašnju organizaciju i sistematizaciju poslova i osnove planova rada i razvoja;
- izvršava odluke Upravnog odbora;
- odlučuje o pravima, obavezama i odgovornostima radnika iz radnog odnosa u prvom stepenu;
- podnosi Upravnom odboru izvještaj o radu i finansijskom poslovanju Ustanove;
- saraduje sa organima i tijelima općinske i kantonalne vlasti i najbližim okruženjem Ustanove;
- predlaže godišnji plan i sačinjava prijedlog programa rada Ustanove;
- brine se za provođenje odluka Upravnog odbora, Stručnog vijeća i drugih organa i tijela Ustanove;
- rukovodi sjednicama Stručnog vijeća;
- vrši prijem zaposlenika u radni odnos;
- vrši ocjenjivanje rada zaposlenika Ustanove;
- obavlja i druge poslove utvrđene zakonom, aktom o osnivanju i Pravilima Ustanove.

III Opći uslovi koje kandidat treba da ispunjava:

- da je državljanin Bosne i Hercegovine;
- da je stariji od 18 godina;
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije;



- da se protiv njega ne vodi krivični postupak, odnosno da nije osuđivan za krivično djelo koje predstavlja smetnju za imenovanje na upražnjenu poziciju u roku od pet godina od dana izdržane, oprostene ili zastarjele kazne;
- da mu odlukom suda nije zabranjeno obavljanje poslova na poziciji za koju se kandiduje i
- da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine).

IV Posebni uslovi koje kandidat treba da ispunjava:

- Visoka sručna sprema -VII stepen stručne spreme ili završen prvi ciklus visokog obrazovanja po bolonjskom sistemu studiranja u najmanje četverogodišnjem trajanju koji se vrednuje sa 240 ECTS bodova iz oblasti predškolskog odgoja, pedagogije, specijalne pedagogije ili psihologije ili društvenih nauka;
- da ima najmanje pet godina iskustva u struci nakon sticanja odgovarajuće visoke stručne spreme ili ekvivalenta;
- da se ističe organizacionim sposobnostima;
- da nije član upravnog, izvršnog ili drugog organa političke stranke;
- da ne obavlja posao ili ne vrši dužnost koja po posebnom zakonu ili drugom propisu predstavlja smetnju za imenovanje na poziciju u okviru reguliranog organa;
- da nije član upravnog ili nadzornog odbora u više od jednog reguliranog organa.

Mandat direktora traje 4 godine i isto lice može biti ponovo imenovano.

Ocjena kandidata koji ispunjavaju opće i posebne uslove utvrđene tačkama III i IV konkursa izvršit će se na osnovu profila stručne spreme, kao i radnog iskustva, a nakon obavljenog intervjua sa kandidatima, izvršit će se ocjenjivanje kandidata u pogledu:

- komunikativnih i organizatorskih sposobnosti,
- minimuma znanja o organizaciji i djelatnosti reguliranog organa,
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- naklonjenost timskom radu.

V Uz prijavu na konkurs potrebno je priložiti sljedeću dokumentaciju:

- biografiju, adresu i kontakt telefon;
- uvjerenje o državljanstvu ne starije od 3 mjeseca (original ili ovjerena fotokopija);
- diplomu o završenom fakultetu ili ekvivalentu (ovjerena fotokopija);
- potvrdu o radnom iskustvu i kretanju kroz službu (original ili ovjerena kopija);
- program rada za period koliko traje mandat direktora, tj. za četiri godine;
- ovjerenu izjavu kandidata o slijedećim činjenicama:
 - da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije;
 - da se protiv njega ne vodi krivični postupak, odnosno da nije osuđivan za krivično djelo koje predstavlja smetnju za imenovanje na upražnjenu poziciju u roku od pet godina od dana izdržane, oprostene ili zastarjele kazne;



- da mu odlukom suda nije zabranjeno obavljanje poslova na poziciji za koju se kandiduje
- da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine).
- da nije član upravnog, izvršnog ili drugog organa političke stranke;
- da ne obavlja posao ili ne vrši dužnost koja po posebnom zakonu ili drugom propisu predstavlja smetnju za imenovanje na poziciju u okviru reguliranog organa;
- da nije član upravnog ili nadzornog odbora u više od jednog reguliranog organa.
- da nije krivično kažnjavao za djelo koje ga čini nedostojnim za obavljanje funkcije direktora u predškolskoj ustanovi,
- da nije imenovan za direktora predškolske ustanove u dva uzastopna mandata, u predškolskoj ustanovi za koju se kandiduje,
- da mu nije pravosnažnom sudskom presudom utvrđena nezakonitost u vršenju poslova na poziciji direktora.

Dokumenti koji se prilažu moraju biti dostavljeni u originalu ili ovjerenoj fotokopiji.

Konkurs ostaje otvoren 15 dana od dana objavljivanja u “Službenim novinama Federacije Bosne i Hercegovine” i u dnevnom listu “Oslobođenje”.

Rok za podnošenje prijave počinje teći narednog dana od dana objavljivanja konkursa u novinama koje posljednje objave konkurs.

Sa kandidatima koji budu ispunjavali uvjete konkursa obaviti će se intervju i provesti postupak u skladu sa odredbama Zakona o ministarskim, vladinim i drugim imenovanjima BiH (“Službene novine Federacije Bosne i Hercegovine” broj 12/03 i 34/03).

Svi kandidati koji uđu u uži izbor pozivaju se na intervju. Neposredno prije intervjuja, kandidati su dužni potpisati izjavu o pitanjima koja bi mogla dovesti do sukoba interesa u slučaju njihovog izbora za direktora Ustanove.

Nakon provedenog intervjuja sa prijavljenim kandidatima i na osnovu u potpunosti dokumentovanih odluka svakog člana Komisije za izbor, Komisija će Upravnom odboru Ustanove dostaviti informaciju o provedenom postupku javnog oglašavanja, sa Rang listom najboljih kandidata. Upravni odbor Ustanove osigurava imenovanje, na način da Rang listu uz pribavljeno mišljenje Pedagoškog zavoda i saglasnosti osnivača, prijedlog za imenovanje dostavlja Gradonačelniku koji će izvršiti konačno imenovanje.

Smatra se da je kandidat koji je prvi na Rang listi i kojeg je predložila većina od ukupnog broja članova Komisije za izbor najuspješnije prošao otvorenu konkurenciju.

U slučaju kada postoje dokazi da u postupku imenovanja nisu ispoštovani principi ili postupci utvrđeni zakonom, može se podnijeti prigovor na konačno imenovanje. Prigovor se podnosi Gradskom vijeću Tuzla, a kopija istog dostavlja se Ombudsmenu za ljudska prava Bosne i Hercegovine.

Prijave na konkurs sa potrebnom dokumentacijom dostaviti lično ili poštom preporučeno, na adresu:

Javna ustanova za predškolski odgoj i obrazovanje “Naše dijete” Tuzla, Krečanska broj 3.




„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

Sa naznakom “PRIJAVA NA KONKURS ZA IZBOR I IMENOVANJE DIREKTORA
JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE”
TUZLA – NE OTVARAJ”

Nepotpune i neblagovremene prijave neće se uzimati u razmatranje.



PREDSJEDNIK
UPRAVNOG ODBORA


Azra Muhedinović, prof.

Broj: 02-04-1223/2024

Datum: 28.03.2024. godine